




ایده بر دفعه تورجکه و فرانسزجه اولاراق نشر ایدیلیر

مجموعه عثمانیه واسلامیه در

مندرجات :

دوقتور عبدالله جودت

ع . ج .

قارلایل

مناسرتلی : بهاء الدین

۲

آلفیه ری

عقبه مسئله سنک عاقیق

روسیایه دائر

انقلاب میدانی

بیرلخن سیاسی

دهاء نه در

ادبیات

پوسته قوطومز

اخوت اسلامیه

مطبوعات جدیده

(روسیایه دأر)

روسیاده بوکون اځ زیاده جالب دقت و محظوظیت
اولان احوالک اځ مهمی استبداد ایله حریتک قوبجه،
مقاومتجه، فعالیتجه موازنه کسب ایتش اولمسی در.
مجلس مبعوثان آچیلدی. حریت مطبوعات، حریت وجدان
وافکار استحصال اولوندی. مجلس مبعوثانک لفظی مراد
برحاله قلماسی و حریت افکار و مطبوعاتک وسائط
کونا کون ایله مستعد تقیید و اطفا بولونماسی ایچون
مطلقیت حاکمیت فرقه جباری، اولانجه نفوذ و نقدلرینی
صرف ایدیورلر. شوکونلرده روسیاده جابجا موسوی لر
اوزه رنده ارتکاب اولونان قتل عام جنایاتی مطلقیت اداره دن
منفعتدار اولان ملعونلرک اثری در. بو قتل دن اولنلرک ایکی
مرادی واره: بری روس اهالیسنک وحشی و مجلس مبعوثانه
و حریت غیر لایق اولدوقترینی یارواغیاره کوسترمک
دیگری ده روسیاده حریت سیاسییه نک فتحی امرنده
روس لردن زیاده غیرت، شجاعت، مهارت، درایت
کوسترمش اولان موسویلری محو و مایوس
ایتمک در. فقط بو بر یا کلس حساب در: اولاً، عوام ناسک،
جماعت خالنده بولونان عوام ناسک حرکات و هیجانی
برملتک ادراک و درجه مدینته میزان اولاماز. ثانیاً، بوکی
قانی تعرضات موسوی اهل هممک فرقه استبداده قارشی
چکیلجهک تیغ انتقامنی زاغلاماق دن باشقا بر نتیجه ویرمز.
روسیا انقلاب فرقه حره سنک تشکیلاتی عادتاً روسیا
دولت جباریله باش باشه اوغراشاق بر مرتبه هییت
ودهشته در، ادام الله جلاله!

* *

روسیاده کی تورک و مسلمان قارداشلر مرکز شیمدی به

حقیقته بزم اولمایان یا لکنز مصرمی؟ بزم و بک زیاده بزم
اولان آناتولی بیله بزم اولمایه باشلاور. انکلیزه،
روسه، آلمان، شونا، بونا نه قباح بولیورز. قباح
بزده «آتینچی نک در» دین اجدادمز بزه بودقیقه بی
سویله مشلر دیمک در. علم نصرانیتک بالاتفاق عالم اسلامیته
مسلط اولمش بولونماسی فکری بر فکر سخیف در. عالم
اسلامیته مسلط اولان: ظالم و سفیه حکمداران اسلام ایله بویله
خائن، خائف، زاحف، جبار حریفله اطاعت همیانه ده
بولونان بزم مسلمانلر، که اسملرمزدن غیری هیچ
بر شیمز مسلمان دکل در. ژاپونلرک دین اسلامی قبول
ایده جکلرینه دأر بر شایعه نک دوغرو اولوب اولمادیغنی
کمال تهالکله صوران بر ذاته «آ مبارک آدم، ژاپونلرک
مسلمان اولمالرندن فائده بکله به جکمز معنای حقیقیسیله
کندیمز مسلمان اولمایه با قالم» جوانی ویرمشدک.
ژاپونلرک اطوار و حرکتی پک مسلمانانه در آدلری
اعتقادلری نه اولورسه اولسون البته اولنلر بزدن بیک قات
زیاده «سیرت محمدیه» به سالک در.

نتیجه اولاراق شونی سویله بوب سوزمزه نهایت
ویره جکز: انکلتزه حکومتی تورک عسکرینی (طابه دن)
چکدیدی. سلطان حاضرک جباتی و فرطاهاتی انکلیزلری
هیچ یورو و لماق سیزین مقصدلرینه نائل ایدی. او مقصده
مسلمانلرک اولو قولاقلرینه شو حقیقی صوقاق ایدی:
مصرک صاحب حقیقیسی انکلتزه در؛ مصر و «کل مافیه»
انکلیز قوم جهانگیرینک محمسی در، مملوکی در؛ حامی
و مالک اولماق صفت و اقتدارلرینی اکتساب و محافظه
ایده مهین افراد و اقوامک محمی و مملوک اولمالری، ترقی
و طبیعتک اځ زیاده تغیر ناپذیر، اځ زیاده مرحمت
ناشناس بر قانونی در. قارداشلرم مسلمانلر! ای بیله لم بونی!

۲۶ حزیران ۱۹۰۶ مصر

دوقتور عبدالله جودت



انقلاب میدانی (*)

ساعت سکز بچقده ما بین اوطه سنک قپوس آچیلدی .
ابتدا قرالیچه ؛ چوجغنی لندن چکهرک ایجری یه کیدی ؛
آرنجه مادام « رو وایال » و مادام « الیزا به ت »
کوروندی . بو کتله هپ بر دن قرالک قولارینه آتیلدیله .
بر قاج دقیقه لر حکمفرما اولان سکوت ؛ یالکز اغلا بشلر ،
هیچقرمه لرله اخلال ایدیلوردی ، قرالیجه ، قرال
حضر نلرینی ده ا ایچریده کی اوطه یه کوتورمک ایچون بر
حرکنده بولوندی . فقط ، بو اوطده ، مراسم مذهبییه
نک اجراسنه مأمور اولان راهبک بکله مکده اولدیغندن
خبردار دکلدردی . قرال : « خیر » دیوردی ؛ (طعام
اوطه سنه کیدلم .. سزی کوره بیله حکم یر آنجق اورا-
سیدر . « اورایه کیردیله ؛ و بن قابوی قاپادم .

قرال ؛ قرالیجه بی صولنه ، مادام الیزابت صاغنه و
مادام روویالی اوکنه آله رق اوطوردی . - کوچوک
پرنس ، باباسنک باجقلری آراسنده آیاقده دورویور واونلر ،
هپی اکیله رک ، صیق صیق قرالی قوجاقلایورلردی .
بو منظره حزن آلود ، بر ساعت و اوچ چاریک دوام
ایتدی . بو مدت ظرفنده هیچ برشی ایشیدیلور ؛ یالکز
قرال هر سوز سویله دجه . پرنسسلرک ایچلرینی چکهرک
اغلاملری آرتدینی و بویله جه بر قاج دقیقه کچدکن
صوکره ، قرالک تکرار سوزه باشلادینی کورولیلوردی ..
ایشته ملاقات و مفارقتمز بو صورته ختام بولویوردی !
شیمدی بو دنیای فانیده کی بوتون هوسات و آملز ..
بوتون اکدار و مشاقر ابدی آخنامه ایررکن ، بزیکدیگریمز

قادار کوستردیکلری اوینایقلق اماره سی بول بول غزته
تأسیس و نشرایتمه به منحصر قالیور سده سکون تام ووردنده
داها اسلی تشبیلده بولونمالری مأمولدر . روسیا
مسلمانلرینک اول و آخر سویله دیکمز وجهله ایلک
وصوک وهر زمان یاباجقلری شی :

۱ برلسان ادبی عمومی نک قبول و تعمیمی .

۲ بولسانی مظهر خلود ایدده جک آثار علمیه و ادبییه
وجوده کتیر یلمه سی ایچون هر ولایتده تألیف و ترجمه
آقاده می (انجمن) لری تأسیسی ،

۳ آثار متحصله نک طبعی و ایجابنده مجانا توزیعی وسائر
مصارفنی تسویه ایچون بو آقاده میالره بر مقدار (وقف)
ایراد بولونماسی ،

۴ ذکا و فطانتلریله متمسک کینلردن بشر اونر نفر
هر ولایتدن انتخاب ایدوب بونلرک انکلترده ، آلمانیده ،
آمریقاده ، فرانسه ده ، هندوستانده ، ایستانبولده ؛ لسان ،
ادبیات ، علوم ، صناعات ، صنایع ، علم تجارت الخ تحصیل
ایتدیر یلمه لری

۵ تحصیل جبری اصولنک مسلمان قریه لرده
و محله لرده خصوصی بر اتمام آلتنه آلمانسی ، ... کی
مأثردر . خاطر مزه کلن وسائط تمیز و تمدنک اساسیلرلی
بزجه بونلردر . دیکر لرینی زمان و مکان واحوال محلیه
تعین ایدر . هر حالده روسیا اخوان دینمز بزه تازه امیدلر
ویریورلر . بر خوردار اولسونلر . ترقی و انتباهک
لواء الحمدلری مقامنده اولان (ترجمان) ، (حیات) ،
(ارشاد) ، الخ غزته لری شکران عمومی به مستحق درلر .
السلام علی من اتبع الهدی !

ع.ج.

(*) « فرانسه انقلابی . - ط . قارلایل . جلد : ۳ ؛
کتاب : ۲ ؛ فصل : ۸